

ԱԿԱԴԵՄԻԿՈՍ Ն. Մ. ԴՐՈՒԺԻՆԻՆ
(Մենդյան 100-ամյակի առթիվ)

Վ. Կ. ՈՍԿԱՆՅԱՆ

Մեր երկրի գիտական հասարակայնությունը հանդիսավորությամբ նշեց բազմալաստակ պատմաբան, ակադեմիկոս հասարակական-քաղաքական գործիչ ու ջերմ հայրենասեր Նիկոլայ Միխայլովիչ Դրուժինինի ծննդյան հարյուրամյա հոբելյանը:

Սովետական Միության կենտրոնական մամուլն ու գիտական հանդեսները լույսնորեն ներկայացրին խոշոր պատմաբանի հսկայական ներդրումը երկրի սոցիալ-տնտեսական և հասարակական-քաղաքական պատմության առավել բարդ ու կարևոր պրոբլեմների ուսումնասիրության գործում:

Դրուժինինի հետազոտությունների ժամանակագրական շրջանակներն ընդգրկում են գրեթե ողջ XIX դարը և XX դարի՝ մինչև մեր օրերն ընկած ժամանակաշրջանի պատմության կարևորագույն խնդիրները: Մեր պետությունն ու գիտական հասարակայնությունը շատ բարձր են գնահատում բազմալաստակ գիտնականի նշանակալի դերը:

Իր գործունեությունը Դրուժինինն սկսել է XX դարի սկզբին և շարունակում է ահա ավելի քան 80 տարի: Բնորոշ է, որ 95-ամյա հասակում գիտնականն իր «Ռուսական գյուղը 1861—1880 թթ. բեկման տարիներին» աշխատության համար արժանացավ լենինյան մրցանակի: Չափազանց լայն ծավալ ու խորություն են ունեցել գիտնական քաղաքացու, ռուսական երեք հնդափոխությունների և քաղաքացիական կռիվների մասնակից Նիկոլայ Դրուժինինի կյանքն ու գործը:

Ն. Մ. Դրուժինինը ծնվել է Կուրսկ քաղաքում, 1886 թ. հունվարի 1-ին (նոր տոմարով՝ 13-ին): Մոսկվայի 5-րդ գիմնազիան ավարտելուց հետո, 1904 թ. ընդունվում է Մոսկվայի համալսարանի պատմաբանասիրական ֆակուլտետը: Դեռևս գիմնազիայում սովորելիս հետաքրքրասեր ու ազատասեր պատանին հրապուրվում է հեղափոխական գաղափարներով, կարդում ընդհատակյա թերթեր-թուղթիկներ, ապա և Վ. Ի. Լենինի «Ի՞նչ անել» գիրքը: Մեծ է լինում ռուսահայտնական պատերազմի թողած ծանր ու ճնշող տպավորությունը, առավել ևս՝ 1905 թ. «Արյունոտ կիրակիներ»: Ուժեղացող ուսանողական շարժումներն իրենց հորձանուտի մեջ են քաշում նաև Դրուժինինին: Նա գրում է. «Շուտով ես ընդունեցի իմ ծանոթ Ինեսա Ֆեոդորովնա Արմանդի առաջարկությունը՝ ինձ վրա վերցնել կուսակցության Մոսկվայի կոմիտեի գրադաֆանի ղեկավարությունը և Ն. Մ. Լուկինի հետ միջնորդ դարձա անլիզալ պրոպագանդիստական դրականության տարածման գործում» (տե՛ս Академик Н. М. Дружинин, Воспоминания и мысли историка, М., 1979, с. 12):

1905 թ. փետրվարին Դրուժինինը բռնվում է Ի. Ֆ. Արմանդի բնակարանում՝ անլիզալ գրականության գրքերի ցուցակ տանելիս, բռնատարկվում Բուտիրյան, ապա Տաֆանյան բանտերում ու աքսորվում Սարատով: Այստեղ նա կապ է հաստատում ՌՄԴԲԿ Սարատովի կոմիտեի հետ և ակտիվորեն մասնակցում կազմակերպչական ու ագիտացիոն աշխատանքներին՝ բրոշյուրներ ու թուղթիկներ տարածելով բանվորների և նորակույրիկների շրջաններում: Արդեն որպես հասուն մտավորական, նա ուշադրությամբ ու ռեկորդայամբ հետևում էր հեղափոխական ղեկավարի զարգացմանը և հանդես էր գալիս հակահեղափոխության, պատերազմի ու հրեական ջարդերի դեմ: «Դրանք բախտավոր օրեր էին իմ կյանքում, — գրում է Դրուժինինը, — նրա զգույն էի հե-

դափոխական խոսքի հզոր ուժը, երբ իմ աչքերի առաջ լսողների ամենահետամնաց շերտերի շրջանում զարթնում էր գիտակցությունը:

Մարատմամբ Դրուժինինը նորից բանտարկվում է և ազատվում համառուսական ընդհանուր գործադուլից և ցարական մանիֆեստի հրապարակումից հետո: Նա վերադառնում է Մոսկվա՝ շարունակելու ուսումը և կուսակցական աշխատանքը: Դրուժինինը մասնակցում է հակադումայական կամպանիային, սահմանադրական պատրանքների մերկացմանը և ՌՍԴԲԿ IV համագումարի նախապատրաստման աշխատանքներին:

1905—1907 թթ. հեղափոխությունը և դրանում ունեցած ակտիվ մասնակցությունը Դրուժինինին անդառնալիորեն կապեցին հայրենիքի բախտի հետ և կանխորոշեցին նրա կյանքի ու գիտական գործունեության ընթացքը:

Դրուժինինը ջանասիրությամբ ուսումնասիրում է հասարակական գիտությունները, լսում է իր ժամանակի նշանավոր պատմաբաններին, կարդում Կ. Մարքսի «Կապիտալը», հատուկ հետաքրքրասիրությամբ մասնակցում համալսարանում կազմակերպված սեմինարներին, գրում ռեֆերատներ: Նրա վրա մեծ ազդեցություն են թողնում այնպիսի գիտնականներ, ինչպիսիք էին Ռ. Յու. Վիպպերը, Մ. Մ. Բոգոսլովսկին, Ա. Ն.



Սավինը: Արդեն ուսումնառության տարիներին արտահայտվեցին ապագա գիտնականի հետաքրքրությունների ուղղությունները՝ հեղափոխական շարժումների և ապա գյուղացիական պատմությունը: Այդ են վկայում նրա առաջին ռեֆերատների թեմաները՝ «Հյուսիսային ընկերությունն ու Նիկիտա Մուրավյովի կոնստիտուցիան», «Պ. Դ. Կիսելյովը և նրա 1837—1838 թթ. ռեֆորմը»՝ պրոբլեմներ, որոնց հետագա ընդլայնումն ու խորացումը հնարավոր դարձրին մեծարժեք մենագրությունների ստեղծումն ու հրապարակումը:

Պետք է նշել, որ Դրուժինինը աշխատում էր բազմակողմանի ընկալել կյանքը և գիտությունը, հատուկ ուշադրությամբ ուսումնասիրում էր իրավունքի պատմությունը և հատկապես ռուս ժողովրդի իրավական վիճակը, այդ հարցի աղբյուրագիտական և պատմագիտական կողմերը:

1911 թ. Դրուժինինն ավարտում է համալսարանի իրավաբանական ֆակուլտետը, շարունակելով ուսումը պատմաբանասիրական ֆակուլտետում:

Երբ սկսվում է առաջին համաշխարհային պատերազմը, Դրուժինինը, կտրված լինելով կուսակցական շրջաններից, չի կարողանում ճիշտ կողմնորոշվել և հակվում է դեպի «պաշտպանողականությունը», որին տուրք տվին II ինտերնացիոնալի ղեկավարները: Շուտով նա գորակոչվում է և ուղարկվում կարճատև ռազմական կուրսեր, ապա պրապորշչիկի աստիճանով նշանակվում Մարիուպոլի հետևակային զնդի կրտսեր սպա:

Փետրվարյան հեղափոխության հենց առաջին օրերին Դրուժինինն ընտրվում է զնդի կոմիտեի նախագահ, ապա և բանվորների ու զինվորների Մարիուպոլի սովետի գործադիր կոմիտեի անդամ և նորաստեղծ քաղաքային վարչության նախագահի տեղակալ, իսկ օգոստոսին նշանակվում է կոռնիլովցիներ

րի դեմ ուղարկվելիք ռազմական զորամասի հրամանատար: Հոկտեմբերյան հեղափոխության հաղթանակից հետո Մարիուպոլում ստեղծվում է «Հեղափոխական կազմակերպությունների քաղաքական կենտրոն», որի նախագահի տեղակալ է ընտրվում Ն. Դրուժինինը:

1918 թ. նիկոլայ Միխայլովիչը վերադառնում է Մոսկվա, ավարտում ընդհանուր պետական քննություններն ու պրոֆ. Մ. Մ. Բոգոսլովսկու առաջարկությամբ թողնվում համալսարանում՝ պրոֆեսորի պաշտոնի համար նախապատրաստվելու և առաջին հերթին՝ մագիստրոսի կոչում ստանալու համար: Սակայն քաղաքացիական կռիվների սաստկացումը 1919 թ. ամռանը և Դենիկինի հարձակումը պատճառ դարձան նոր զորահավաքի, և Դրուժինինը նորից նվիրվում է ռազմաքաղաքական աշխատանքի:

1920-ական թթ. Դրուժինինը ծավալում է եռանդուն գործունեություն՝ դասախոսելով Կոստրոմայի համալսարանում և քաղլուս ցանցում, բանվորական ակումբներում, կատարելով գավառագիտական ու թանգարանային աշխատանքներ և ընդլայնելով պատմաբանի համար հույժ կարևոր բազմակողմանի դիտելիքների պաշարը: Նրա դասախոսություններն ու սեմինարները մեծ հետաքրքրություն էին առաջացնում ուսանողության մեջ, նպաստում պատմության հանգուցային ու կարևոր խնդիրների նկատմամբ գիտական մոտեցում ձևավորելու գործին: «Դրուժինինի բովանդակալից դասախոսությունները աչքի էին ընկնում փայլուն շարադրանքով, կենդանի խոսքով, փաստարկումների կոնկրետությամբ, հարուստ ու պատկերավոր լեզվով», — նշում են նրա աշակերտները:

Ուսանելի են այն հետևողականությունն ու սկզբունքայնությունը, որ բնութագրում են գիտնականի գործունեությունը շուրջ ութ տասնամյակների ընթացքում: Դեռևս ուսանողության տարիներին հրապուրվելով հեղափոխական անցքերի գնահատման և ուսումնասիրության հարցերով, Դրուժինինը մեկը դարձավ այն առաջիններից, ովքեր սկսեցին լրջորեն ուսումնասիրել ռուս ազնվականական հեղափոխականների պատմությունը (հաճախ այդ պրոբլեմին զուգընթաց անդրադառնալով XVII—XVIII դդ. գյուղացիական շարժումների, 1905—1907 թթ. հեղափոխության պատմության հարցերին): 1925 թ. «Беднота» թերթում տպագրվում է նրա «Ուլքեր էին դեկաբրիստները» հոդվածը, քաղաքական աքսորյալների կազմակերպության հրատարակությամբ լույս է տեսնում «Ուլքեր էին դեկաբրիստները և ինչի համար էին պալքարում նրանք» աշխատանքը: Դրանց հետևում են «Տրուբեցկոյը որպես հուշագիր», «Ճաժանակրություն և աքսոր» գործերը, գրախոսականներ «Դեկաբրիստները», ապա և «Դեկաբրիստները և նրանց ժամանակը» ժողովածուների մասին և, վերջապես, 1928 թ. «Նիկիտա Մուրավյովի կոնստիտուցիան» ուսումնասիրությունը, որը 1929 թ. ներկայացնում է և պաշտպանում որպես թեկնածուական դիսերտացիա:

Բայց այդ աշխատությունով ոչ թե ավարտվում, այլ սկսվում է անհատ դեկաբրիստների կյանքի ու գործունեության, ապա և ողջ շարժման համակողմանի ուսումնասիրությունը, որը հնարավոր է դարձնում ներկայացնել այդ բազմանշանակ շարժման ընդարձակ ու խոր արմատները, սոցիալական էությունը: Այդ մեծ ու ընդհանրացնող աշխատության նախապատրաստմանն օգնում էին նրա «Պեստել», «Տրուբեցկոյ», «Յակուշկին», «Հյուսիսային ընկերություն», «Չեռնիշով» և մյուս հոդվածները, որոնց հաջորդեց 1933 թ. հրատարակված «Դեկաբրիստ Նիկիտա Մուրավյովը» գիրքը՝ այդ կարևոր ու դժվարին պրոբլեմի քննության մեծարժեք հանրագումարը, մի խոշոր գործ, որի հետ կապվում են Դրուժինինի բարձրացրած մյուս պրոբլեմները՝ ռուս հեղափոխական-դեմոկրատների ուսմունքները գյուղացիական համայնքի մասին, որոնք գիտականորեն հակադրված են ճորտատիրական-ազնվականական պատմագրությանը: Այսպես, քննական հայացքով նա վերլուծում է դեկաբրիստական շարժման նախապատմությունը, դրա նշանակությունը և ապա հետագա արդյունքները և անառարկելի փաստերով ու համազոր հզորակացություններով

հանդես դալիս «Մ. Ն. Պոկրովսկու պատմական կոնցեպցիայի դեմ» կոլեկտիվ աշխատության հեղինակների կազմում:

1938 թ. Դրուժինինը հրավիրվում է ՍՍՀՄ ԳԱ պատմության ինստիտուտ՝ մշտական աշխատանքի: Այնտեղ նա մասնակցում է ՍՍՀՄ պատմությանը նվիրված նոր աշխատությունների ստեղծման գործին և միաժամանակ մշակում իր դոկտորական դիսերտացիան:

1944 թ., ավարտելով դեռևս 1920-ական թթ. սկսած ուսումնասիրությունը՝ «Պետական գյուղացիները և Պ. Դ. Կիսելյովի ռեֆորմը» թեմայով, Դրուժինինը պաշտպանության ներկայացրեց իր դոկտորական դիսերտացիան, որում ստակորեն ցույց է տրված ռուս գյուղացիների՝ այդ մեծ զանգվածի (կազմում էր շուրջ 50 տոկոսը) տնտեսական և իրավական վիճակը, որը սկզբունքորեն չէր տարբերվում կալվածատիրական ճորտ գյուղացիների վիճակից, թեպետ վերջիններիս դրությունը շատ ավելի ծանր էր: Հիշյալ ուսումնասիրությունը բարձր գնահատվեց և հեղինակին արժանացրեց պատմական գիտությունների դոկտորի գիտական աստիճանի: Երկու տարի հետո, երբ ավարտվեց կապիտալ աշխատանքի երկրորդ մասը, Դրուժինինն ընտրվեց ՍՍՀՄ ԳԱ թղթակից անդամ և արժանացավ ՍՍՀՄ պետական մրցանակի (որի գումարը նվիրեց Հայրենական պատերազմում զոհվածների երեխաների համար ստեղծված մանկատանը):

Նիկոլայ Միխայլովիչը բացառիկ արդյունավետությամբ ու մեծ նվիրումով է աշխատել ակադեմիայի պատմության ինստիտուտում, մասնակցելով այնպիսի խոշոր կոլեկտիվ գործերի ստեղծմանը (և՛ որպես հեղինակ, և՛ որպես խմբագրական կոլեգիայի անդամ ու խմբագիր), ինչպիսիք են՝ «Մոսկվայի պատմությունը» (6 հատոր), «ՍՍՀՄ պատմության ակնարկները», «ՍՍՀՄ պատմությունը», «Ռուսական կուլտուրայի պատմությունը», «Վալերիան Բրեժնևը. ՍՍՀՄ գյուղացիական շարժումները Ռուսաստանում XIX դարում և XX դարի սկզբում», մի ժողովածու, որը բազմակողմանիորեն բացահայտում է թե՛ գյուղի սոցիալ-տնտեսական ու քաղաքական վիճակը և թե՛ դասակարգային պայքարի պատմության փուլերը տվյալ պատմական ժամանակաշրջանում: Աշխատանքի գիտական արդյունքների բարձր գնահատականի արտահայտությունը եղավ այն փաստը, որ 1953 թ. Ն. Մ. Դրուժինինն ընտրվեց ՍՍՀՄ ԳԱ իսկական անդամ: Այդ ճանաչումը չհանգստացրեց իսկական գիտնականին, և նա նոր եռանդով շարունակում էր իր ուսումնասիրությունները: Եվ ահա 1978 թ. հրապարակվեց նրա նոր մենագրությունը՝ «Ռուսական գյուղը 1861—1880 թվականների բեկման ժամանակաշրջանում»: Այդ գրքում «տրված է երկրի գյուղացիական տնտեսության, արտադրողական ուժերի զարգացման, ապրանքադրամային հարաբերությունների ծավալման, գյուղացիության քայքայման պրոցեսների խոր ու բազմակողմանի վերլուծությունը, դասակարգային պայքարի ձևերի փոփոխման և բանվոր դասակարգի ու գյուղացիության դաշինքի ստեղծման նախապայմանների ձևավորումը» (տե՛ս «КОММУНИСТ» հանդեսը, 1986, № 1): Այս ծանրակշիռ հետազոտությունը մեծ նշանակություն ունի ռուսական գյուղի քայքայման ու նոր հասարակական հարաբերությունների ընթացքը հասկանալու տեսակետից, քանի որ «ժամանակավորապես պարտավորված» գյուղացիները, վճարելով իրենց «պարտքը» պետությանն ու կալվածատերերին, ձեռք էին բերում անձնական ազատություն և շունչն առնում բավարար չափով հող ու արտադրության միջոցներ՝ կանգնում էին պրոլետարացման ճանապարհին, էժան գնով վաճառելով իրենց բանուժը: Ռուսական գյուղը 1861—1880 թվականների բեկման ժամանակաշրջանում՝ մենագրություն համար ակադ. Ն. Դրուժինինը արժանացավ լենինյան մրցանակի:

Ուրախալին ու զարմանալին այն է, որ կյանքի հարյուրամյակին մոտենող գիտնականը, գործակցելով իր կյանքի ու աշխատանքի գործընկեր Նիկոլայ Իոսաֆովնա Դրուժինինայի հետ, շարունակում է ստեղծագործական աշխատանքը: Հատկապես ուշադրության և դրվատանքի արժանի է 1985 թ. դեկտեմբերին լույս ընծայված «Ընտիր երկերի» շորսհատորյակի առաջին գիրքը՝

«Հեղափոխական շարժումները Ռուսաստանում XIX դարում» վերնագրով, ու տեղ նոր խմբագրությամբ վերահրատարակված են «Դեկաբրիստ նիկիտա Մորապյովը» (էջ 3—305), «Պ. Ի. Պետսելի որոնումների պատմությունը», «Զե. Նիշովի ընտանիքը և դեկաբրիստական շարժումը», «Ս. Պ. Տրուբեցկոյը ու պեւ հուշագիր», «Դեկաբրիստ Ի. Դ. Ցակուլկինը և նրա Լանկաստերյան դըստրոցը», «Ա. Հագստհաուզենը և ռուս հեղափոխական դեմոկրատները», «Նս. Բոդնայա վոլյա» կուսակցության գործադիր կոմիտեի անդամ Աննա Վասիլեն, Ֆակիսովան (Կորոզևան)»։ Հրատարակչությունում է ն. Դրուժինինի «Ընտրի երկերի» երկրորդ ժողովածուն՝ «Ռուսաստանի սոցիալ-տնտեսական պատմությունը» (40 տպագրական մամուլ)։

Մեծ հետաքրքրություն է ներկայացնում Դրուժինինի ինքնակենսագրական գիրքը («Պատմաբանի հուշեր և մտորումներ»), որն ունեցել է մի քանի հրատարակություն՝ ռուսերեն և օտար լեզուներով։ Այդ բազմաթիվ տպագրված աշխատությունը բացառիկ գիտական և ուսուցողական նշանակություն ունի հումանիտար գիտություններով զբաղվող գիտնականների, առավել ևս երիտասարդների համար։ Շնորհաշատ, համեստ և բազմափորձ Դրուժինին իր գրքով վերջում գրում է. «Այս գրքույկը ես դիտում եմ որպես հրապարակային հաշվետվություն իմ գիտական գործունեության մասին։ Իմ խնդիրն էր իմ աշխատանքային փորձը կիսել ոչ միայն պատմաբանների, այլև ընթերցողների ավելի լայն շրջանակի հետ» (էջ 117)։

Նակայն պետք է ասել, որ այս գիրքը (167 էջ), որ հեղինակը «գրքույկ» է անվանել, մի ամբողջ պատմագիտական դպրոց է, մեթոդոլոգիական ու մեթոդական աշխատանքի կոնկրետ ուղեցույց, որում տրված է սովետական պատմագրության քառուղիների կոնկրետ պատկերը։ Ցուրաքանչյուր գիտնական, տարեց թե երիտասարդ, այստեղ կգտնի մեծ հոգևոր սնունդ՝ ավելի լըրջախոհ քննելու համար իր գործն ու հետագա անելիքների ծրագիրը, հաշվի առնելով այն նշանակալի փորձը, որ շարադրված է հեղինակի 80 տարիների ընթացքում ստեղծած օրագրությունների հիման վրա։ Այդ մասին Ն. Դրուժինինը գրել է. «Բարեբախտաբար ինձ մոտ պահպանված են համապատասխան նյութեր, որոնք կանխում են հիշողության հնարավոր սխալները՝ մտավոր աշխատանքի ամենօրյա գրառումները, որ ես կատարում էի սկսած 1906 թվականից, ուսանողական և ասպիրանտական կոնսպեկտները, քաղվածքների սև-վագրությունները և սեփական ուսումնասիրությունները» (էջ 3)։

Սարքս-լենինյան մեթոդոլոգիան միշտ ուղենիշ է եղել Ն. Դրուժինինի գիտական գործունեության ճանապարհին։ «Իսկական գիտական պատմական ուսումնասիրությունը, — գրել է նա, — կարող է արդյունք լինել ինքնուրույն տեղական ու համառ աշխատանքի. ստուգված, համադրված և օրգանապես իրար հետ կապված փաստերը և միայն փաստերը կարող են լայն ընդհանրացումների ամուր հիմք լինել... Պատմահետազոտողի տրամադրության տակ պետք է լինի ճշմարիտ չափանիշ... Պատմական ճանաչողության այդպիսի հզոր միջոց է մարքսիզմ-լենինիզմը, որն օգնում է անսահման փաստական նյութերի լարիրինթոսում ճանապարհ գտնելուն» (էջ 108)։

Անուրանալի են ակադեմիկոսի խոշոր ծառայությունները կադրերի պատրաստման գործում, մանավանդ եթե հաշվի առնենք, որ ուսուցիչը մեծ չափանիշի գիտնական է և համապատասխան մոտեցում ունի դեպի երիտասարդներն ու գործընկերները։ Հիշենք թեկուզ այն, որ հազարավոր պատմաբան ուսանողներ ու ասպիրանտներ ոչ միայն կարդացել են նրա գրքերն ու հոդվածները, այլև լսել նրա դասախոսությունները, յուրացրել գիտական և դասախոսական աշխատանքի նրա մեթոդիկան։ Այդ մասին Դրուժինինը իր «Հուշերում» գրել է. «1) Դասախոսություններ պետք է բացահայտեն պատմական պրոցեսի օրինաչափ ընթացքը, դրա շարժիչ ուժերը, գլխավոր ուղղությունը և հիմնական փուլերը. 2) դրան համապատասխան, յուրաքանչյուր դասախոսություն պետք է ներառի խիստ ընտրված փաստական նյութեր՝ սխտեմավորված և գլխավոր դեկավար մտքի հետ միասնականորեն ամրապնդված. 3) որպեսզի

շտարանի կողմից ընկալումը մատչելի լինի՝ դասախոսի շարադրանքը պետք է լինի ոչ միայն պարզ ու կուռ, այլև կենդանի, պատկերավոր» (էջ 52—53)։

Այսպիսի պահանջներ էր ներկայացնում ինքն իրեն դասախոսն ու գիտնականը, որը թեակոխել է իր բազմափորձ կյանքի երկրորդ հարյուրամյակը։ «Вопросы истории» ամսագրի 1985 թ. 12-րդ համարում պրոֆեսորներ Ս. Ս. Դմիտրիևը և Ա. Ս. Նիֆոնտովը նշել են, որ ականավոր սովետական պատմաբանի բացառիկ ստեղծագործական երկարակեցության պատճառները պետք է փնտրել, առաջին հերթին, նրա բարձր գիտական սկզբունքայնության և մշտական, նպատակասլաց, համաշափ աշխատանքի մեջ։

Այսպես է գործել ու աշխատել ակադեմիկոսը և հասել խոշոր հաջողությունների, որոնք բարձր են գնահատվել ու արժանացել համընդհանուր ճանաչման։ Ն. Մ. Դրուժինինը պարգևատրվել է լենինի երեք շքանշաններով, Աշխատանքային Կարմիր դրոշի երկու, «Հոկտեմբերյան հեղափոխության», «Պատվո նշան» շքանշաններով, արժանացել է ՍՍՀՄ պետական և լենինյան մրցանակների։